

蹈

海

集

遺

上



服部文庫
イ 17
2102
1





117
2102
/

蹈海集遺目錄

七言古詩三首

五言律詩三十九首

七言律詩二十三首

五言絕句十一首

七言絕句四十七首

序二首

銘二首


贊二首

題跋一首

墓銘一首

書牘三首

踏海集遺目録畢



攝津服元雄仲英 著

男 立仲山 校

七言古

哀哀行

哀哀婦人何所苦。半夜自經道傍樹。縊縷之衣首如蓬。雙袖斷割應有故。身死魂去問無緣。纖手垂垂行人顧。忽聞草間兒啼聲。嗌噁斷續一哀慕。雙袖在茲當襁褓。覆藉慙慙障風露。計畫無復徒爾為。胡然盡意護此兒。母子恩情目如見。想得昨夜訣別時。心肝

摧裂仰天訴嗚咽相雜祝兒辭。河漢耿耿星辰列。彼蒼蒼者那得知。明朝收得能代我推燥居濕。知是誰衣可割。恩不可割。棄去還顧。擇處移命。可絕恩不可絕。縱死何忍。斯須離死而有知。應屍視遺骸。猶似立忘。疲生前不知何人。婦身後唯知此兒。母路人雨泣。何忍看兒也。汝知母恩否。

海門尊者萬松山例住畢非心尊者為代

今茲二尊宿同歸西京龍寶山為歌奉贈

萬松之山鬱蕭森。梵閣高表東海濤。大塊噫氣鼓群有。松聲常雜海潮音。二師西來聊寄跡。于喁同稱不

住心。心印本比龍領寶。相持並照光彩溢。此寶何用。向人投歸去。各自藏故丘。逝矣西天從不得。白雲明月歲云秋。

贈廓然翁

翁也遠自藝海來。飄飄風骨矍鑠哉。自言七十今少一。昏耄未嘗及我。催家事斷了已。幾歲那得復蒙世塵埃。此身無累優遊足。人間利達酒一杯。名山大川性所愛。何處山川不徘徊。輕舉雲裝踏海年。我曹傾蓋此周旋。猶將足跡遍東極。遙望奧海松島天。與有松島藝巖島。東西各處路三千。山海明美皆仙境。奇

絕由來天下傳，不知斯境孰為勝。到日應須定後先，
太平逸民多遠興。蹈海何必比魯連，遼廓乾坤與心
是翁也恰好稱廓然。

五言律

詠秋扇

漢宮秋已至，悽斷美人魂。奈此機中素，看辭掌上恩。
涼颺顏自掩，曙月影空存。憶爾昭陽宴，曾將舞袖翻。
秋夜鱗長公子書堂飲得清字

已喜同斯習，朋來倒屣迎。秋光懸月露，夜坐自淒清。
秉燭談何盡，傳觴詠且成。醉中頻擁鼻，林笑洛諸生。

歲杪俊靈上人寮令集時山仲蘇至自西

肥得歡字

稍覺風塵遠，從他歲月闌。空居元自靜，淨侶此相看。
故舊裨袍在，冰霜白日寒。斟一樽酒，無恙昔時歡。
智乘院集彥藩諸子携饌具時種元珉將

歸藩得池字

豈須香積給，杯椀坐來移。院靜招提境，庭廻漉沆池。
故人同載酒，今雨此催詩。不上河梁去，相携賦別離。

白雲臨酒

濁酒闌窗下，白雲幽壑隈。山齋兩不厭，竟日對徘徊。

氣色纔通戶，氤氳忽逼杯。唯應後醉夢，非是向陽臺。

答士寧見贈

契濶非千里，交遊彼一時。雲霄君有路，髮髮我爲絲。
呂駕寧違舊，嵇琴更向誰。知音三十歲，無日不相思。
春盡雨中過，飲宮大夫公輔邸居時公輔

西歸期已近

鶯花三月盡，細雨晝如烟。邸舍逢迎密，酒杯各自傳。
青峰新樹色，紫海故園天。爲道瓜期近，令人惜此筵。
擬某經 崇德帝陵下之作

空山陵寢寂，弔古此相尋。無奈北辰坐，遠移南海濠。

靈宮叢樹合，鬼谷瘴雲深。社宇休啼血，聲聲愴敵心。

詠貧士

將見魚生釜，甌中塵已多。妻孥常凍餒，事業總蹉跎。
四壁元吾分，五窮如爾何。蕭蕭霖雨裏，空唱子桑歌。

新晴得至字

新晴迎旭日，庭樹影爭至。鳥語聽偏好，山光亦自異。
茅檐猶有滴，竹塢看添翠。著屐出柴扃，徘徊愜幽意。

長安立秋

紫陌涼秋至，金天赫暑殘。清商歌管響，一夜滿長安。
上苑星河歎，西宮月露寒。班姬情更切，深坐掩齊紈。

邊城落日

虞淵杳無際餘照掛旌竿絕塞秋天敞孤城暮色寒
故園疑近遠征客望長安更有烽光繼甘泉夜夜看

故宮月

桂殿笙歌斷寒蟄響自哀長廊人不見靜夜月空來
草露清輝亂秋霄爽氣回因思昔時宴妙舞影徘徊

長安有狹斜行送福長民西上

行矣長安道長安有狹斜此遊酬宿志正好倚繁華
宮闕氤氳色春風十萬家知君投跡處容得幾人車

春夜宴枕流亭得前字

桃李成蹊處杯樽秉燭前
衣遊真有樂春興好相憐
戶外流偏近牆東響自傳
豈唯堪洗耳酒渴漱潺湲

矢田部大夫從

王駕登日光山有此寄

從官君受命羽旆發東臯
慧日光輝滿神山氣色
高法筵龍象集祀事我
王勞莫是雄文似更堪揮彩毫

驪山春望

梵宇驪山裡春晴眼界殊
磴懸緣翠壁林繞接青蕪
芳樹色偏令迸泉聲自孤
猶貪遊眺好擇處命行厨

哭子向

松柏常住色別有夜臺
春是子向臨終文語

已矣今如何斯人即長暮風流有酒卮事業唯詞賦
夢幻百年身蕭條數尺墓他時松柏色看爾稱常住

思歸引贈田髦士

唱出思歸引哀絃向爾操夜啼鳥自切春望客空勞
南北傳書少風烟陟岵高歸兮期在近此思好為陶

古佛原

化鶴誰能至蕭森松柏中新碑將舊隴暮雨復秋風
白日終難見冥途杳不窮夜來燐火冷宿草鬱成叢

山行遇雷雨

嵯峨行不盡蘿徑遠攀緣電激危巖下雷轟暗窟邊
雲陰藏峽樹雨足逐溪泉晚色晴來好前峰返照懸

寄題竟譽上人如意亭

寺在駿府稱寶臺院

大麓開名利山川望壯哉孤亭偏適意七寶別成臺
睥睨城樓秀芙蓉指掌來禪餘寂無事舉目此徘徊

單笛上人奉

命住瀧山大善寺有此贈

觀池
山名

白社三千侶高僧臘有餘諸山隨次轉此地寄蹤初
緝苑秋應好丹楓錦不如觀池心自淨水月本清虛

初冬送野公和携家歸吳州二本松

故國接蓬瀛東歸幾日程行逢霜露降猶覺歲寒輕
家認杏林色邑傳松樹名妻兒携在路何必動離情

春初同集曹溪寺是日雪驟下

遮莫春陰合曹溪路自通緝園沈雨雪珠閣倚玲瓏
不但花爲界且看鹽散空何人回棹去清興此相同

窮巷春靜

負郭野人家門無長者車三春唯寂寞小花自鶯花
戶外芳菲滿牆頭蛺蝶斜何須絲與竹幽嘯弄年華

白賁墅宴別守伯亨

把酒丘園下村莊掩薜蘿纔逢梅雨歇已見麥秋過

再會明年在離愁此日多樽前朋好滿無奈汝歸何

水檻喜涼

暫此耽幽意逍遙到落曛蒹葭深北渚夏日自南薰
藻動游魚見舟回細浪分不知車馬陌何處避炎氛

十五夜聞箏

搖落秋方半西風散夕陰鳴箏秦女思對月楚人心
露與絃繁似更隨柱促深曲終猶側耳蟋蟀送餘音

廢宅看月

戶庭人不見孤月上頽牆依舊團圓影散添秋露光
陰蟲連古砌老鼠走空梁獨往無儔侶那堪今夜長

別
祐月上人住常陽正定山大念寺賦此贈

梅檀林幾處卓錫此隨緣大刹河流側名山澤國邊
念唯歸奉佛定豈得非禪許掾情偏切且期登陟年
送月橋師道信中西上兼寄懷烏石山人

斯師歸上國長路日攀緣棧掛岐岨險山寒搖落天
王孫遊已久故舊老相憐幾歲離群恨聊憑白足傳
和平景瑞中秋遊湘中看月之作

不淺滄洲興乘秋到此鄉海天晴掛月沙岸夜飛霜
客眼迷烟水漁歌響渺茫湘中遊已好令我見琳琅

空山棲隱客

空山棲隱客猿鶴此追隨屋外唯雲罽牀頭一酒卮
自應甘獨善遮莫少相知別有彈琴趣澗流無盡時
冬日德明景明二子邀飲深川水亭德明
晚至

影落欄前水笑顏迎客開主人斜著幘吾黨此傳杯
歡覺日偏短醉疑春已回相留添晚興時有士衡來
歲晚同集靈泉精舍席上呈無價尊者尊
者別齋稱忙了

相携二三子一路叩禪扃此日聊閑了窮陰不可停

情應方外密眼覺醉中青坐有如泉酒深知境自靈

禁中花

禁園花滿枝殿閣春風吹霞外連青瑣日邊嬌玉墀
衣冠相掩映氣色自參差解語還黃鳥天顏喜可知
習常館春集席上賦贈主人本子祐

吏事非無暇招邀意有餘臨階晴日麗對酒午簾疎
醉裏聽鶯好春來求友初習常何物是一室只琴書

鬪鷄

未辨先鳴者眼驚神已馳朱冠將彩頸鷲擊競雄姿
羽翼紛相接周旋凜且持養成知幾日應與此場期

七言律

送管習之受藩命東道赤坂驛應接韓使

鷄林使節向朝陽聘禮應看有舊章幾處列侯通餼
餽到頭諸道戒關梁漢庭貢獻來天馬周室昇平及
越裳藝苑逢迎君自任好携雄劍意偏揚

歲杪樂山公子新館集得陽韻

新開郵館此傳觴綺席趨陪公子傍且道琴書移得
好先看鳥雀賀來翔終年有樂山偏近後苑無塵水
自長遮莫九冬催短景更期嘉宴醉春光

春晚草堂集送河子英歸廣島島冲夫歸

會津

門前流水送斜暉，把袂徘徊思轉違。
二子傳觴憐聚散，三春屈指惜芳菲。
豈應山驛尋津去，不似風濤望島歸。
無奈海西將塞北，雙鳧各處背人飛。

過僧舊居

一路禪棲栢樹林，高僧遺跡此蕭森。
龍宮晝寂爐烟斷，麈尾風搖壁藓深。
解道白雲橫谷口，愁看紺瓦掩秋陰。
依稀泉石空無主，猶有追攀玄度尋。

季秋奉送金井侯受大坂留臺且移封三河之命赴任便道暫就國是月侯值五

十初度云

新看符節領留臺，相業成基重任哉。
豐沛邑連侯國近，要衝津接帝居開。
稻梁南畝秋收足，貢篚西州海運來。
好比封疆期帶礪，到時長命此傳杯。

擬雪夜寓直

瑞雪紛紛下紫霄，九重鐘漏坐寒宵。
豈唯物色同神島，正好清明比聖朝。
官舍幾人齊挾纊，禁園千樹不封條。
天鷄報曉開窗處，恍見瑤京光自遙。

春登臺

高臺把酒此盤桓，醉裡窮愁聊且寬。
塞北鴻歸春萬

里海東雲散日三竿鶯花駭蕩無邊滿指掌山河幾處看物象漚漚都自好獨餘垂白髮毛寒

佛滅日遊山寺

遠攀巖路叩禪扃倚杖遲遲午景停且喜山中聊寄跡何妨石上坐聽經古龕苔滑春生色異樹花香地自靈解道津梁疲此日人天多少入丹青

東龜年自洛陽歸話所歷諸勝為賦

賦筆縱橫入遠遊勝情登陟好相求萬年佳麗王畿地千里澄清鴨水流古刹多依林壑起名山幾使向會留坐談造膝徒神往老矣天涯回白頭

送松君修從侯駕襲封就國之丹州龜山

上路相從太守行風雲千里護雙旌長安指掌山河色郡邑謳歌父老情元自鳳毛誇筆彩應須吏事據經明定知新政堪毗輔世笑看君獨擅名

季夏同遊東禪寺經萬公舊趾有感

避暑登臨古梵樓相携白日對滄洲天邊積水孤帆影海上長風六月秋舉目虛空歸夢幻論心玄寂倚林丘徘徊別有餘基在因憶當年支許遊

冬至前一日大僧正定月尊者席上奉陪

熊本侯同賦分得志韻

寶界莊嚴自一丘玲瓏宮觀擁松楸綺筵忽有蓮華
捧紺苑偏宜羽蓋留已通風光日南至俱欣咫尺海
西侯低眉且發陽華色佳氣氤氳映酒浮

同某隱者歲暮歸山之作

都門客跡傍風塵散髮歸來舊隱倫霜後就荒松徑
色山中無恙草堂貧夜寒薜荔宜初服歲晚巖阿自
有人何用老妻煩旨蓄優游且及采薇春

春來

春來幽谷自啼鶯誰向詞林求友生青紫豈緣經藝
拾髮毛看與歲時更家貧四壁寒仍藉才拙諸侯遊

不成浪跡悠悠徒老大故園今已失歸程

峽中覽古

依稀形勝吊遺塵事換星移此愴神割據深紆攻守
計風雲齊合爪牙臣那知虎視雄無競別有龍興主
自真不比長松千歲色歌成恨殺落花春

寂光院

荒涼古院北山中寧擬曾居長信宮羅帳委塵疑夢
幻麻衣奉佛靜林叢外家榮耀秦雲散少帝音容楚
水空餘跡使人悲不盡丘陵落日自秋風

白雲抱幽石

翠壁丹崖望自遙何來層寺別為標紛紜忽擁嵌空
合縹緲斜擎歌側飄晦跡林巒疑化燕彌天風雨不
崇朝應妨隱士行將漱棧路回迷漠未消

梅雨中白雲庵探韻時海門非心二尊者

西歸期近得八齊

萬松陰裡古禪棲雨色蕭條望欲迷五月披裘吾黨
在諸天回首子規啼休言杖錫歸期近已覺關山別
思淒晚磬傳聲詩未就上方黠淡白雲低

諸尊宿見顧西郊別墅次非心尊者席上

韻賦謝

數畝村園絕世塵相迎幽寂此為親自非方外桑門
侶應厭田間茅屋貧話久禪心忘物我興來玄藻競
清新差緣小室容獅坐漫比維摩跡未真

奉寄題六條西門主浴景樓

誰言法主住西天樓觀莊嚴渤解邊何用十洲求羽
客長令四衆仰金仙渺茫蜃氣含軒檻旭日鼇頭照
大千指點凌波輪自轉蓮華湧出影重圓

和宗廉師玉笥山中逢九日見寄懷之作

知君拄杖倚層巒渺渺東溟回首看縱有黃花開各
處那堪佳節阻同歡嶠函險擁關門起驛路秋連澗

路海集遺 卷之十一
十一
壑寒贈我碧雲天外色吟成應覺別離難

苦寒行

華堂何處錦爲茵獸炭氤氳爐上春出塞征夫齊墮指無衣遠客獨傷神冰霜不盡鄉關路雨雪遙迷潮海濱直置田間偏粟烈妻兒卒歲奈窮民

早春送林君璋歸北越

敝裘千里客中行幾歲江湖寄此生去矣誰應留汝住歸歟偏切奉親情日邊霞色東關望雪裡春風北路程不必桑榆期列鼎寧嫌藜藿且爲羹

五言絕句

牡丹雙鳥圖

沈香亭下色長此傍雙禽恐見三郎妬春風情自深

題桃源圖二首

桃花春不盡絕境此依稀洞口停舟在漁人未擬歸
溪流何處來村落隔林出黃髮將垂髻寧知有今日

題竹鶴圖

所啄知何物斂翼翠雲中此中將雛駐將無與鳳同

蟠桃圖

崑山花欲然王母何年禮好與仙顏比千春不改色

題邊溱水画岳陽樓圖

遠水能成勢，乾坤此可涵。不知吳楚坼，何處是東南。
茅屋漏甚戲作

一室盡沾濕，琴書避無地。只應原憲貧，千古同斯致。

宮人賽神

他姬有所避，昨夜侍至尊。朝來雜未理，命婢采蘋蘩。

題畫

孤舟人不見，岸上柳依依。應是滄浪水，漁歌鼓棹歸。

燕子花

無意含泥去，成叢野水邊。雙雙花自媚，應有美人憐。

此君井

疊水成圓湛，幽篁落影寒。唯應葛陂杖，歸向此中蟠。

七言絕句

賦得仙人好樓居

凌霄何用御長風，坐對蓬壺滄海東。但道仙居耽此興，彩雲春滿化人宮。

雲察上人卜隱鹿洲有此贈

虎溪遙指鹿洲天，卓錫扶桑旭日邊。借問誰能架石到，人間是處隔風烟。

冬初登少林院後山和海門尊者見示之作

廬山秋盡訪禪扉，一路空臨倚翠微。奪得虎溪楓樹色，醉顏偏自映斜暉。

訪戴圖

滿溪寒月雪晴初，招隱吟成興有餘。未擬門前回棹去，岸頭遙望故人廬。

早春陪悟賞侯遊正福精舍值雪驟下

緝苑春回塵自稀，謝公幽賞此依依。忽看四散天花下，堪比風前柳絮飛。

門慈師西上乞香衣文 賜有此贈

津亭春淺柳纔黃，客路彌天向洛陽。遙識婕妤傳

詔日禁垣花發，衲衣香

暮春聞宇子迪暫歸南總上母大人壽有

此寄

歸來還似拂衣人，無恙田廬總海濱。九十九灘三月浪，桃花長駐北堂春。

漢苑行

異禽竒樹知無數，水遠山迴望有餘。宛馬獻來新試騎，羽林年少侍鸞輿。

坂子諒歸省日別賦示

萬里鄉關隔海瀛，歸來且慰倚門情。男兒宿志終應

遂行矣休言業未成

季夏同遊少林院管習之病而不至有詩

賦答

炎塵且避少林間此日清涼各自攀
妙偈投來病居士室中應擬老禪閑

送周慈師歸因州兼呈靈瑞上人

幾歲歸鄉夢有因山河明日總成真
舊時朋好皆無恙為報摩尼嶺下人

東海樂

江河千歲自朝東鱗介相忘樂不窮
五色雲中神嶽

起群仙乘鶴集瑤宮

題扇面畫松贈單笛上人

滿室清涼一握中忽看靈籟動青蔥
為期千丈依丘壑寫得凌霄勢自雄

驛路秋曉

月落天邊曙色愁征鞍帶夢夢悠悠
前途霧散關河轉望入丹楓霜露秋

丹楓映水

搖落千林昨夜霜天邊流水送秋光
猶懸織女機中色濯錦江頭返照長

木落見佗山

風霜黃落冷園林，林外山光入牖深。為是不違顏咫尺，坐疑身在岫雲陰。

日出入行

虞淵暘谷與天浮，宇宙環旋春復秋。擊壤老人今不見，襄城何處牧童遊。

山亭偃曝

閑窻日午倚新晴，睡後偏誇丘壑情。不但負暄無意獻，卻將捫蝨笑簪纓。

峨眉山月圖

秋天何處月成輪，灌木陰森溪水濱。遮莫峽中君不見，扁舟遙送謫仙人。

賦得江春入舊年

江南南望望悠悠，遮莫窮陰不可留。應有一枝香自動，日華含暖滿汀洲。

送舜韶師歸鄉

別路春陰暗翠微，相携花底雨霏霏。水雲蹤跡知何處，莫是追隨雁北飛。

暮春送俊靈上人歸省勢南

陌上春風柳絮飛，牛車明日訪庭闈。行過七里灘頭

去應轉珠衣作彩衣

先君易簀荏苒七祀亦值其月日諸子上
塚行香追思不已各以集中淒風不待秋
者為題以寓悽愴之意云爾

楚水纔生蘋末色蕭晨未至誰先識悲哉獨有孤遊
子萬樹鳴條靜不得

立秋奉和金井侯感懷見寄之作

華城千里邈山河賦就無如思舊何此日寄來情不
盡秋風併到赤橋阿

秋初松濤館集席上賦贈主人林太豐

美酒新秋與客攜長松影落此成蹊風濤濺坐涼無
盡羨爾華陽洞裡棲

書室屏風邊廷輝為山水圖賦謝

屏上丹青臥且遊水光山色思悠悠一丘一壑能知
我莫是當年顧虎頭

題扇面贈邊文甫

漢宮紅粉意何如掌上齊紈秋到初知是步兵千里
興更將鱸膾入歸歟

蓮池秋雨

婀娜芙蓉彼一時蕭蕭秋雨滿前池明珠點綴田田

葉憶昨佳人贈所思

感光上人西上賦松林送別為贈

千林楓樹映斜陽想見關山滿路霜此日西天飛錫
去相携何用上河梁

隴上歌

隴上悲風奈汝何深山窮谷戰場多英雄逝矣東流
水淚下空為壯士歌

寄題曹溪寺瑞林禪師指月樓

夜月諸天眼界淨老禪清興滿南樓請看鷲嶺團圓
影長掛曹溪指掌秋

賣薪女

妾家遙指北山陰負戴營生歲月深錦綺如雲洛陽
道但言來往不關心

冬曉照鏡

豐山鐘動宿鴉飛夢斷牀頭燈火微起對菱花窺短
髮三冬霜色影相依

山大有太孺人八十壽辰同賦玉卮彈琴

為贈

忽見迴翔集異禽臨筵且拂一絃琴曲終何比偷桃
者閨苑分甘宴樂深

山齋梨花

空山疑見白雲多，一樹花開映薜蘿。不比城中桃李色，獨能擎素倚巖阿。

閨人聞子規

杜鵑聲響落空牀，夢後唯餘月出光。簾外不關啼血怨，水晶花發夜如霜。

河子昌新居與竹太冲為隣賦贈

牆東卜築避紅塵，藝苑風流此有隣。並戶尋常屢應滿，換鷺高士下帷人。

薤露歌

附鳳翩翩夢一場，出門丹旆晚彷徨。可憐臣妾千行淚，散作原頭薤露光。

擬宴邊將

落日同歸自戰場，下鞍諸將夜飛觴。胡笳曲裡纔成醉，忽報前山烽火光。

楓落吳江冷

長江湛湛送斜暉，隔岸霜林葉已稀。不憚秋風波浪濶，誰思鱸膾一帆歸。

歲晚吳觀侯席上得豪韻

綺席風流愛我曹，歲闌杯酒興偏豪。青雲色合吳門

望別有樓臺百尺高

綠陰室茶譙席上詠瓶梅

禪房爐暖午烟翻茗飲心閑道自存瓶裡一枝春已動他時且見綠陰繁

得非心尊者書併詩次韻却寄

海上春風送雁聲索居無恙老禪情更知高枕空山曉夢入天邊嶽雪清

震純師見訪不值有詩和答

白足來尋赤水濱城中慚我向風塵蓬蒿晝寂無人跡寧比成蹊桃李春

春日過飲富庸藏邸舍分韻微字

一樽交臂到斜暉檐雀相親共息機休道此筵朱邸裡開窻郊色送芳菲

春雪過飲知公明宅公明有詩席上為和

今茲太翁七十云

陽春醉色滿庭闈客至清觴與雪飛郢調何人能得和非唯七十古來稀

漁村柳

紛紛飛絮送斜陽映水千絲釣渚傍應有孤舟蓑笠客春風吹雪滿滄浪

踏海集遺

